

**ՑԵՂԱՍՊԱՆՈՒԹՅՈՒՆԸ ԵՎ ԷԹՆԻԿ-ՀՈԳԵԲԱՆԱԿԱՆ
ԴՐՍԵՎՈՐՈՒՄՆԵՐԸ ՀԱՅ ԺՈՂՈՎՐԴԱԿԱՆ ԵՐԳԱՅԻՆ
ԲԱՆԱՀՅՈՒՍՈՒԹՅԱՆ ՄԵՋ**

ԽԱՉԱՏՏՐՅԱՆ Ռ. Հ.

Հայոց ցեղասպանության պատճառների փնտրտուքում առանձնակի կարևորվում է գենետիկ կոդի և ազգային-հոգեբանական գործոնի դերը. ոչ թե ուժեղ-թույլ (զավթիչ-զոհ) կտրվածքով, այլ թուրքերի էթնիկ-նվաճողական ագրեսիայի և հայոց մեղմ-քրիստոնեական հոգեկերտվածքի հակադրությամբ:

Իր բնօրրանում՝ իր իսկ տարածքի վրա կազմավորված հայ ժողովուրդը, լինելով նստակյաց երկրագործ, երբեք չի ունեցել նվաճողական նկրտումներ. «այք չի դրել օտարի երկրին, բայց եղել է իր երկրի քաջ պաշտպանը»¹ և իր հավատքով միշտ խաղաղասեր է, աշխատասեր ու շինարար: Այս առումով, ժողովրդական բանահյուսության մեջ առանձնակի տեղ են զբաղեցնում ազգային տիպական հատկանիշներն ու առանձնահատկությունները խտացնող հաստատուն մակդիրները՝ յուրատիպ պատմահոգեբանական դրսևորումներով, որոնք վերաճել են ազգային գեղարվեստական ընկալման չափանիշների²: Հմմտ. հնում հայոց աստվածներին ու թագավորներին տրվող՝ *=հյուրընկալ, =օթևան տվող, =օտարասեր, =ողորմած, =բազումողորմ, օրինավոր, =արդարադատ, =քաջակորով, = աշխարհաշեն* և այլ առդիրները:

Աստված-թագավոր-հերոս կապով ընդհանրացած այս հաստատուն մակդիրների *ազգային բնույթը ժողովրդի ազգային ոգին է*³: Հմմտ. Մերձավոր Արևելքում տարածված՝ թագավորներին նվիրված գովքերն ու պատերազմի ժամանակ կատարվող զինվորական երգերը⁴:

Հայր ի ծնե ազնվական է, երախտագետ, բարի ու միաժամանակ՝ ըմբոստ, երբ վիրավորում են իր էթնիկ արժանապատվությունը [հմմտ. թուրքերի կողմից հայերին տրվող՝ =գյավուր (անհավատ) և =գյավուր օղլի (անհավատի տղա)], էթնիկ ինքնասիրությունը անարգող, հավատն այպանող արտահայտությունները: Նվաստացնող այս դիմելաձևը բազմիցս հանդիպում է Մեծ եղեռնի տարիներին հյուսված թուրքալեզու «գյավուր օղլի»⁵ կամ «օլան գյավուր»⁶ երգի տարբերակներում: Հայի ժառանգական կոդին հատուկ է ազգային արժանապատվությունը, անկա-

¹ *Աբեղյան Մ.*, Հայոց հին գրական պատմություն, Ե., 1944, էջ 245:

² *Խաչատրյան Ռ.*, Հաստատուն մակդիրներն իբրև ազգային պատմա-հոգեբանական դրսևորումներ. գեկուցումների հիմնադրույթներ, Ե., 1998, էջ 11-13:

³ *Հեգել*, Բուն էպոսի առանձին հատկանիշները (Խորհրդային գրականություն, 1939, N 1, էջ 139):

⁴ *Լեո Ա., Օппенхейм. Древняя Месопотамия, М., 1999, с. 18.*

⁵ ՀՀ ԳԱԱ Հնագիտության և ազգագրության ինստիտուտի բանահյուսական արխիվ, Ռ. Խաչատրյանի ֆոնդ, FRI (այսուհետև՝ FRI): 3183-3184:

⁶ *Սվազյան Վ.*, Կիլիկիա, Արևմտահայոց բանավոր ավանդությունը, Ե., 1994, էջ 167-168:

խության ձգտումը, ոգեղենությունը, հաղթողի ներուժն ու վճռականությունը [հմմտ. «գլավուր օղլի» տրամախոսությամբ հորինված երգում՝ հայ ֆիդայի-մահապարտի պատասխանը թուրքին՝ (աջ ձեռքով զրրգեր իմ, երտված իմ՝ չը՛մ ըսի)]: Հիշենք հայ ժողովրդին մարմնավորող Սասունցի Դավթի կերպարն ու շիտակ խառնվածքը. բարի էր, ազնիվ ու ծուռ՝ բնութագրելով իր իսկ ժողովրդին ու արյունակից սասունցիներին, այն իր բանաձևումն է գտել Սասնո ժողովրդական երգերում.

*=Ուր կուժը թաց, ուր թոնիր հաց,
Ուր ծին ու թուր՝ քարին բահաձ,
Օղարին՝ բաց ուր սիրդն ու դուռ,
Օձ լը բիլը անթույն ու ձուռ⁷:*

Ինչքան բարի էր, ազատասեր, խաղաղասեր, նույնքան անողորմ ու անզիջում՝ թշնամու հանդեպ (հմմտ. Դավթի դիմումը Մսրա զորքին).

*= Գացե՛ք ձեր երկիր,
Դուք ձեր համար խաղաղ ապրեք,
Չլնեմ-չիմանամ, օր մեր խողի
Ու երկրի վրա՝ աչկ ունենաք⁸:*

Հավատքի՝ քրիստոնեական բարոյագիտության, ազգային ավանդույթների ու հայոց նախահայրերի, էթնիկ նախնիների պաշտամունքը ամրակայված է հայի հոգեբանության մեջ: Հմմտ. պատումներից մեկում՝ Դավթի աղոթքը Մարութա սուրբ Աստվածածնի վանքում՝ բարեխոս Տիրամոր տաճարում. «Ով Թորգոմի, Արամի ու մըր պապերի աստված, տուր ըմ մանուկ թներուն զորուտեն, ուար կըռնամ կոտրըմ զքու սուրբ կրոնի նաեարնին, ու ըր դրած ին ուրանց մտքին՝ գողորին ուար ք՛անվան մգրտվող ժողովրդվուն և բղձին զքու Սուրպ տաճառնին»⁹:

XI դարում Արևմտյան Հայաստան ներխուժած և XV-XVI դդ. հայերի պատմական հայրենիքում հաստատված թուրքերը համոզվեցին, որ հայը չէր կարող հանգիստ ապահովել իր տարածքը բռնազավթողին: Ոճրագործ Թալեաթի ահագանգը Հալեպի նահանգապետին, որ հայերն այդ տարածքի վրա (իրենց իսկ հայրենիքում) թուրքերին հանգիստ չեն տալու, դարեր ի վեր եղել է մեր թշնամիների վախն ու անհանգստությունը: Հմմտ. բյուզանդական Մորիկ կայսեր նամակը պարսից Խոսրով թագավորին, որ հայերին որակում է «Ազգ մի խոտոր և անհանգիստ», «Զի եթե դոքա յերկրի իւրեանց լինիցին, մեզ հանգչիլ ո՛չ լինի»¹⁰: Հայրենիքի, ցեղային ինքնաճանաչման, ազգային արժանապատվության

⁷ FRI: 3311-3313.

⁸ Սասնա ծռեր, Ե., 2000, էջ 258 (նորահայտ պատումներ. գրառումը **Ռ. Գրիգորյանի**՝ աշխատակցությամբ Երանուհի Մելիք-Մուրադյանի):

⁹ Սասնա ծռեր, Կ. Դ, Ե., 1999, էջ 120-121 (նոր պատումների գրառումը և բնագրի պատրաստումը Ս. Հարությունյանի և Ա. Մահակյանի):

¹⁰ Պատմություն **Սեբեոսի** եպիսկոպոսի ի Հերակլին, Ս. Պետերբուրգ, 1879, էջ 47-48:

գիտակցումով, պատմական փառավոր անցյալի վերապրումով՝ հայր միշտ եղել է ազատասեր ու պատրաստ ինքնագոհության: Հմնտ. Միջնադարյան պանդուխտի ողբը.

= Ես էի ազատ ազգեն.

Եւ այժմ եմ՝ այլոց գերի:

= Կողոպտեաց զիս թշնամին.

= Ձէլս (ցեղ) աստի յուզեմ գտանել¹¹:

Ունենալով մարտական չմարող ոգի և թշնամու «քանակին» դիմագրավելու, հաղթելու բնատուր ռազմավարություն, ժառանգական ոգեղենություն և բարձունքներում ու լեռներում կռիվ տալու ռազմունակություն (հմնտ. մ.թ.ա. IX դարում Արամ թագավորի հաղթական ճակատամարտերը լեռներում¹²), արևմտահայերը Թուրքիայում գրկված էին նույնիսկ զենք կրելու իրավունքից և անասելիորեն հարստահարվում էին իրենց իսկ թշնամուն՝ թուրք, քուրդ բեկերին հարկ ու տուրք վճարելով: 1896թ. գրած «Ազգային պայքարը Թուրքիայում և սոցիալ-դեմոկրատիան» հոդվածաշարում Ռ.Լյուքսեմբուրգը փաստում է, որ Թուրքիայում քրիստոնյան անգամ զենք կրելու իրավունք չունեի¹³: Այդ են վկայում Սասնո ազգային-ազատագրական, ռազմահայրենասիրական երգերում արտացոլված՝ անզեն հայերի ընդվզումն ու ինքնապաշտպանական մղումները.

= Խըբար դարեք դերության՝

Հըր ե՞ պ քանդին զՀայաստան¹⁴:

= Անոթի՛, ձառա՛վ, ա՛ղ լը չմնաց,

Արմա՛ դ գ՛գրձինք, չընք ուզի մեք հաց,

Միայն թե դվեք մեզ մեզ-մեզ ձագ էրգա՛թ,

Ընդո՛վ մենք Սասուն ու զՄուշ գրգըղինք:

= Մենք քա՛ր զհալցունք, ճուր՝ տառցունք էրգաթ,

Ափսոս չի՞ նք մնանք վաղ տաճկին հրադագ¹⁵:

Ոճրագործ թուրքերը շատ լավ էին զգում հայոց ինքնապաշտպանական ձգտումներն ու ներուժը, և պատահական չէր, որ եղեռնագործ Թալեաթը հրամայում էր ոչնչացնել հատկապես արու զավակներին, քանզի կանխագգում էր, որ նրանք ապագայում ձգտելու են արդար վրեժի: Հիշենք աստվածաշնչյան պատվիրանը Նոյին. «Ով մարդու արյուն թափե, նորա արյունը մարդո՞վ թափվի» (Ծննդոց գ. 9):

¹¹ *Մնացականյան Աս.*, Հայկական միջնադարյան ժողովրդական երգեր (այսուհետև՝ ՀՄԺԵ), Ե., 1956, էջ 546-548:

¹² *Իշխանյան Ռ.*, Պատկերագարդ պատմություն հայոց, Ե., 1989, էջ 137:

¹³ *Ղարիբջանյան Զ.*, Ռ. Լյուքսեմբուրգը և Կ. Լիբկնեխտը հայ ժողովրդի մասին, Ե., 1971, էջ 45-46:

¹⁴ *Խաչատրյան Ռ.*, Թալին [Հայ ազգագրություն և բանահյուսություն (այսուհետև՝ ՀԱԲ), հ. 19, Ե., 1999, էջ 164]:

¹⁵ ՀԱԲ, հ. 19, էջ 157:

Թուրքերի հայաջնջման քաղաքականության, բռնությունների և պան-թուրքիստական ծրագրերի մեջ էր մտնում բռնի իսլամացումը՝ վկայված նաև ժողովրդագիտական նյութերով: Հմմտ. միջնադարյան երգային բանահյուսության մեջ («Հովհաննես և Աշայ»).

*=Տաճկեցուցենք՝ անենք մօլա,
Լազը մ'չի խայ քախանայ,
Մե լազը մ'ի՝ տաճկի մօլա¹⁶:*

Ականատեսների հուշապատումներն ու վկայությունները (Արաբոն սպանում է առաջին գիշերվա իրավունքը խլող թուրք փաշային ու նրա զինվորներին)¹⁷, ինչպես նաև երգային բնագրերը բազմիցս փաստում են թուրքերի վայրի ու անբարո բռնարարքները.

*=Հոկի անուշ, քուրս հարգանուշ,
Պոնին թուրքիր՝ տաջգորին Մուշ,
Հայրենիքիս ամփողջ մուլքեր
Պոլոր գրավին անօրան թուրքեր¹⁸:*

*=Զիմ խորոդ յար գդանուն
Թուրքի փաշին գդանուն
Ա՛խ, լե, լե վա՛խ լե, լե,
Վա՛խ լե, լե, ջան¹⁹:*

Յեղասպան թուրքերի եղեռնագործություններն ու տեղահանությունները տեղ գտան նաև հայ ժողովրդական օրորոցայիններում՝ դրանք շեղելով իրենց ժանրային հիմնական թեմայից (երեխայի գովք) և վերածելով դաժան իրականությունն արտացոլող պատմավավերագրական ողբերի.

*=Քու հեք զըրգվի վըր Անդոկին
Արուն գերտը քար ու քոհն,
Դուշման պոնե՛ գծորեր պոլոր,
Հայ հարսներ լե՛՝ մանցին մոլոր²⁰:*

*=Մուգ ու շիվան պոնից Սասուն
Թուրքեր էգան՝ վառին մըր դուն
=Արագ գդրից արցունք - արուն,
Թուրքիր էնին մզի տաղարգուն:
= Թուրքի դըրդից՝ էրիս մրոդիք,
Չիկեն - դանեն հարս խորոդիգ:
Ըուրի, բուրի, Մուսան լառ²¹:*

Թուրքերի ժառանգական կողի մեջ նստած էր հայերի (հույների և այլ ժողովուրդների) լավագույն հատկանիշներն ու արժեքները ոչնչացնելու, կործանելու բնագիր, որը ծնել է օսմանցուն բնորոշ՝ նենգ ու ամբարիշտ, էթնիկ-եղեռնաստեղծ ագրեսիան ու անհանդուրժողականությունը: Որքան մեծ են մարդու արժանիքները, այնքան մեծ է նրան կործանելու ցանկությունը: Այս ճշմարիտ ասույթ-բանաձևը գործում է ոչ միայն էթնոկիր-ավանդակիր անհատի, այլև էթնիկ գիտակցության մեջ ընդ-

¹⁶ ՀՄԺԵ, էջ 205:

¹⁷ ՀԱԲ, հ. 19, էջ 155:

¹⁸ Նույն տեղում, էջ 150:

¹⁹ Նույն տեղում, էջ 144:

²⁰ Նույն տեղում, էջ 151:

²¹ Նույն տեղում:

հանրապես և գալիս է Աստվածաշնչից, ըստ որի՝ չարի արմատը պետք է փնտրել մարդկային առաքինությունների և առավելությունների մեջ: Եվ մի թե նույն չարության ու վայրագության մոլուցքը չի գործում այսօր՝ թուրքերի բռնարարքների ու անհանդուրժողականության մեջ: Համաձայն Հոբի ավանդապատումի՝ «Որդիները պետք է քավեն հոր, նախնիների մեղքերը, եթե նույնիսկ իրենք բոլորովին անմեղ են»²²: Ցավոք, թուրքերը ոչ միայն ժխտում են ցեղասպանությունը, այլև նույն ցեղային բնագործ շարունակում են ոճիր գործել նոր դարի շեմին: Այդ են վկայում մերօրյա անասելի, հրեշավոր վայրագությունները Սումգաիթում ու Բաքվում՝ նույն ցեղասպան թուրքերի ձեռագրով: Դա է ապացուցում XXI դարում, քաղաքակիրթ ազգերի աչքի առաջ հայ քնած երիտասարդ սպայի կացնահարումը՝ միմիայն հայ լինելու համար: Արդարև, իրատեսական են ժողովրդական դիվանագիտությունն ու բանահյուսությունը. հայ ժողովրդի դարավոր իմաստությունը, կանխատեսումն ու ճշմարիտ ձայնը արտացոլվում են հայ ժողովրդական երգերում.

*= Աստված մերժեց աղոթքն հայուն,
Եվրոպայ՝ խուլ է մեր ողբերուն²³.
= Արդա ր է մեր կռիվը, վգա՛ է Աստված,
Գիրգվին մեր հողերը, չունինք մենք կասկած²⁴:
= Դեռ ճամփա ունինք պիտ հասնինք Սասուն
Քաջերի հողը մեզ է սպասում²⁵:*

Հավատավոր ու ազնիվ է հայը. չնայած բազմիցս վստահել ու հավատացել է իր հողում հաստատված դարավոր թշնամուն և տառապել ինքնախաբեությամբ, բայց ընդվզել ու մարտնչել է, երբ հայրենիքը վտանգի մեջ է եղել, երբ վիրավորվել են իր էթնիկ-մարդկային իրավունքն ու արժանապատվությունը, երբ իր պատմական հայրենիքում՝ Արևմտյան Հայաստանում, իսկ այսօր՝ Նախիջևանում պղծում ու ոչնչացնում են իր հոգևոր արժեքներն ու պապերի գերեզմանները (պատրիցիդ): Երիցս ճշմարիտ ու արդիական է հնչում հայոց Վազգեն Ա հայրապետի խորախորհուրդ խոսքը. «Հայրենիքը օրգանապես ազգի մը օրրան է, ուր ալ ծնած ըլլաս, քու հայրենիքդ կմնա քու ցեղիդ, քու նախնիներուդ հողը»²⁶: Ահա թե ինչի էին կոչված Արևմտյան Հայաստանում հայոց ազգային ոգին կրող, ազատագրական պայքարում ու կռիվներում թրծված հայրենապաշտպան ֆիդայիները, ինչպես նաև երկրապահ-կամավորները Արցախում, որոնք ազգի փրկության ու գոյապահպանման մահապարտ-ազատամարտիկները եղան՝ պաշտպանելու հայոց տունը, ընտանիքը, պատիվն ու հայրենիքը:

²² **Կոսիդուլսկի Զ.**, Բիբլիական ավանդապատումներ, Ե., 1970, էջ 549:

²³ **Ղազիյան Ա.**, Հայ ժողովրդական ռազմի և զինվորի երգեր, Ե., 1989, էջ 116:

²⁴ Գենդանի կենցաղավարող երգային բանահյուսություն:

²⁵ *FRE*: 3195, 3198:

²⁶ **Վազգեն Ա** Հայրապետ հայոց, Կոնդակներ, քարոզներ, ճառեր, գ. III, Էջմիածին, 1976, էջ 125:

ОТРАЖЕНИЕ ГЕНОЦИДА И ЭТНОПСИХОЛОГИЧЕСКОГО ФАКТОРА В АРМЯНСКОМ ПЕСЕННОМ ФОЛЬКЛОРЕ

ХАЧАТРЯН Р. Г.

Резюме

Политика уничтожения армян со стороны турок – резня и депортация нашли отражение в фольклорных первоисточниках, в частности, в армянских народных песнях, в которых геноцид расценивается не просто в плане противопоставления сильного – слабому (агрессор – жертва), а как результат противопоставления этнически обусловленной агрессии турок и христианской терпимости армян.

Фольклорные источники явствуют о том, что армяне руководствуются постулатами христианской морали, следуя национальным традициям и живя по заветам этнических предков. Доказательством сказанного служит молитва Давида в монастыре св. Богородицы на горе Марута в армянском народном эпосе “Давид Сасунский”. Этому противопоставляется заложенная в этногенезе турок склонность к агрессии и нетерпимость к культурным ценностям иных народов, нашедшая отражение в народоведческих материалах.